

03 օգոստոսի 2018թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 379041/01

ՎԱՐՉԱԿԱՆ ՎԱՐՈՒՅԹԸ ՎԵՐՍԿՍԵԼՈՒ ԵՎ
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, քննելով վարչական իրավախախտման վերաբերյալ թիվ 17033 գործը և ուսումնասիրելով վարչական իրավախախտման վերաբերյալ 03.08.2018թ. թիվ ____ արձանագրությունը և կից նյութերը,

ՊԱՐԶԵՑԻ

«ՀԱՆՈՒՆ ՀԱՎԱՍԱՐ ԻՐԱՎՈՒՆՔՆԵՐԻ» կրթական կենտրոն ՀԿ-ի տնօրեն՝ Գայանե Աբրահամյանը (ՀՎՀՀ՝ 00150891, հասցե՝ ք.Երևան Սոսեյի փ. 2 32), համաձայն իրավահարաբերության պահին գործող «Հաճութահարկի մասին» ՀՀ օրենքի 46-րդ հոդվածի (ուժը կորցրել է 01.01.2018թ-ին, կարգավորվում է ՀՀ հարկային օրենսգրքի 447-րդ հոդվածի 3-րդ մասով)՝ օրենքով սահմանված ժամկետում չի ներկայացրել 2017 թվականի շահութահարկի տարեկան հաշվարկը: Նշված արարքները նախատեսված է Վարչական իրավախախտումների վերաբերյալ Հայաստանի Հանրապետության օրենսգրքի 169¹ հոդվածի 2-րդ մասով, որի կապակցությամբ հարուցվել է վարչական վարույթ:

Վարչական վարույթի շրջանակներում Գայանե Աբրահամյանին հասցեագրվել է ծանուցագիր՝ վարչական իրավախախտման վերաբերյալ արձանագրության կազմմանը և գործի քննությանը մասնակցելու վերաբերյալ: Նկատի ունենալով, որ ծանուցագիրը ստանալու փաստը հավաստող ապացույց առկա չէ՝ ՀՀ ՊԵԿ իրավաբանական վարչության պետի կողմից 15.06.2018 թվականին կայացվել է վարչական վարույթը կասեցնելու մասին որոշում՝ Վարչարարության հիմունքների և վարչական վարույթի մասին ՀՀ օրենքի 49-րդ հոդվածի 1-ին մասի «գ» կետի համաձայն:

Գայանե Աբրահամյանը՝ պատշաճ ծանուցված լինելով, չի ներկայացրել վարչական վարույթին, այլ ներկայացրել է նրա լիազորված անձ՝ Նարինե Ասլանյանը և ներկայացրել է գրություն այն մասին, որ օրենքը սխալ ընկալելու պատճառով, թյուրիմացաբար ուշ է ներկայացրել վերոնշյալ հաշվետվությունը: Գործի քննության ընթացքում հայտնի է դարձել, որ Գայանե Աբրահամյանը վերջին մեկ տարվա ընթացքում չի ենթարկվել վարչական պատասխանատվության, ինչպես նաև 2017 թվականի շահութահարկի գումարը կազմել է

20.420 դրամ, որոնք սույն գործով դիտվում են, որպես պատասխանատվությունը մեղմացնող հանգամանք:

Ուստի ելնելով վերագրյալից և նկատի ունենալով, որ կատարված արարքը ունի նվազ նշանակություն և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21, 244², 281 հոդվածներով և 282 հոդվածով՝ «Վարչարարության հիմունքների և վարչական վարույթի մասին» ՀՀ օրենքի 8-րդ հոդվածի և 49-րդ հոդվածի 3-րդ մասով՝

ՈՐՈՇԵՑԻ

1. Գայանե Աբրահամյանի վերաբերյալ հարուցված թիվ _____ վարչական վարույթը վերսկսել:
2. Գայանե Աբրահամյանին ազատել վարչական պատասխանատվությունից և հայտարարել բանավոր դիտողություն:
3. Գայանե Աբրահամյանի վերաբերյալ հարուցված թիվ _____ վարչական վարույթը կարճել:



ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Handwritten signature in blue ink.

Ա.ՄԱՅԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝
Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը
չկատարելու համար նշանակվել էր վարչական տույժ (հոդված 40)
Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելուց հետո երեսուն օրվա
ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու
համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ
որոշումը կարող է բողոքարկվել ՀՀ վարչական դատարան՝ երկամսյա ժամկետում:
Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ
օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու
մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվհեմարաններին.
900005240487՝ տուգանքի **70%**, **900013000246՝** տուգանքի **30%** վճարման անդորրագրի <<նպատակ>> դաշտում
պարտադիր նշելով որոշման համարը:
Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին
որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն
ենթակա է բռնագանձման օրենսդրությամբ սահմանված կարգով:
Մասնակցեցի գործի քննությանը, որոշման վերաբերյալ առարկություններ չունեմ:

Ստացա որոշման պատճենը _____